



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

67. König Cristiern sagt dem Markgrafen Albrecht die Zusammenkunft in
Salzwedel zu, am 7. Januar 1467.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

67. König Cristiern sagt dem Markgrafen Albrecht die Zusammentunft in Saltwedel zu,
am 7. Januar 1467.

Kristiern, van godes gnaden to Dennemarcken, Sweden, Norwegen etc. konig, Hertoge tho Slewüick, Greue to Holsten, Stormarn, Oldenborgh etc.

Vnnsen fruntliken grut vnde willen touornn. Hochgebornner furste, leue Swager, Juwer leue schrifte vnde ernsten meinunge vnns by halzen qwies geschicket van wegen der dagetyd vnde malstede, benamet to Saltwedel, vppe Sondach na Sunte Jorgen dage schirftkomende to holdende, dar gü mitsampt Juwem elderen Sone personliken tor stede tokomende Juw willigen, hebben wü gutlik wol vernomen. Is vns eyn folkent sowol gefallen vnde so verne vns lyfflik vnmacht edder ock dreplike notfakē nicht verhindert, wü mitsampt vnser leuen gemahelen des dages dar tor stede willen warden vnde nicht affflahen. Edder ock efft wü in Jeniger mathe notfakē haluen verhindert würden, willen wü vnse leuen gemahelen vulmechtig tor stede senden. Darfulnest aldemn vor den hochgeboren fursten, heren frederiken, marggrauen to brandenborg etc., Juwerm broder, heren Ernste vnde Albrechte, Hertogen to Sazzen etc., heren Wilhelme, lantgrauen In doringen etc., vnde anderen meher fursten, vor den sikk Juwe leue vormals vmme sodaner ansprake vnser leuen gemaheln eres eruedeles haluen fruntschop edder recht to nemende vnde to geuende, togeboden vnde gewilliget hefft, welkt wy so im ernste desses Juwes entbedens vnde schriuens van Juw vnnemen. Mit fruntliken vlite biddende, gü de gnanten fursten, vnse leuen heren vnde fründe, darmede torstede vptobringende willen geroken, vppe dat wü beidenthaluen desser sake to eyner gantzen vthdracht vnde ende komen mogen vnde nene verlatene noch vppige reyse doen doruen, dar Juwe leue, so wü vnns gantzlick vorsehen, im ernste wol mede wil verdacht sin. De gnanten Juwe leue wü gode deme heren frolich beuelen. Datum kopenhauen, ame negeften Mitweken na der hilgen dre koninge dage, Anno LXVII^o.

Deme Hochgeboren fursten, vnserm leuen Swagere, heren Albrechte, Marggrauen to Brandenburg vnde Borggrauen to Noremburge etc.

Nach dem Originale des Königl. Haus-Archives.